



MALAYSIA

Warta Kerajaan

SERI PADUKA BAGINDA

DITERBITKAN DENGAN KUASA

HIS MAJESTY'S GOVERNMENT GAZETTE

PUBLISHED BY AUTHORITY

Jil. 46
No. 2

24hb Januari 2002

TAMBAHAN No. 2
AKTA

Akta-Akta Parlimen yang berikut, yang telah diluluskan oleh kedua-dua Dewan Parlimen dan dipersetujui oleh Seri Paduka Baginda Yang di-Pertuan Agong, adalah diterbitkan menurut Fasal (5) Perkara 66 Perlembagaan:

The following Acts of Parliament, passed by both Houses of Parliament and assented to by His Majesty the Yang di-Pertuan Agong, are published pursuant to Clause (5) of Article 66 of the Constitution:

| No. | Tajuk ringkas |
|----------------|---|
| Akta A1137 ... | Akta Paten (Pindaan) 2002 Patents (Amendment) Act 2002 |
| Akta A1138 ... | Akta Cap Dagangan (Pindaan) 2002 Trade marks (Amendment) Act 2002 |
| Akta A1139 ... | Akta Hakcipta (Pindaan) 2002 Copyright (Amendment) Act 2002 |
| Akta A1140 ... | Akta Reka Bentuk Perindustrian (Pindaan) 2002 Industrial Designs (Amendment) Act 2002 |
| Akta A1141 ... | Akta Petunjuk Geografi (Pindaan) 2002 Geographical Indications (Amendment) Act 2002 |



UNDANG-UNDANG MALAYSIA

Akta A1138

AKTA CAP DAGANGAN (PINDAAN) 2002

| | | |
|---|-----|-----------------|
| Tarikh Persetujuan Diraja ... | ... | 14 Januari 2002 |
| Tarikh diterbitkan dalam <i>Warta</i> ... | ... | 24 Januari 2002 |

UNDANG-UNDANG MALAYSIA

Akta A1138

AKTA CAP DAGANGAN (PINDAAN) 2002

Suatu Akta untuk meminda Akta Cap Dagangan 1976.

[3 Mac 2003
P.U.(B)103/2003]

DIPERBUAT oleh Parlimen Malaysia seperti yang berikut:

Tajuk ringkas dan permulaan kuat kuasa

1. (1) Akta ini bolehlah dinamakan Akta Cap Dagangan (Pindaan) 2002.

(2) Akta ini mula berkuat kuasa pada tarikh yang ditetapkan oleh Menteri melalui pemberitahuan dalam *Warta*.

Pindaan seksyen 3

2. Akta Cap Dagangan 1976 [Akta 175], yang disebut “Akta ibu” dalam Akta ini, dipinda dalam subseksyen 3(1)—

(a) dengan memasukkan selepas takrif “Mahkamah” takrif yang berikut:

‘ “Menteri” ertinya Menteri yang pada masa ini dipertanggungjawabkan dengan tanggungjawab bagi harta intelek;’

- (b) dengan menggantikan takrif ‘ “Pendaftar”, “Timbalan Pendaftar” dan “Penolong Pendaftar” ’ dengan takrif yang berikut:

‘ “Pendaftar” ertinya Pendaftar Cap Dagangan yang ditetapkan dalam subseksyen (1) seksyen 4;’;

- (c) dengan memasukkan selepas takrif “penggunaan yang dibenarkan” takrif yang berikut:

‘ “Penolong Pendaftar” ertinya orang yang dilantik atau disifatkan telah dilantik untuk menjadi Penolong Pendaftar di bawah subseksyen (2) atau (3) seksyen 4;’;

- (d) dengan memasukkan selepas takrif “penyerahakan” takrif yang berikut:

‘ “Perbadanan” ertinya Perbadanan Harta Akta 617. Intelekt Malaysia yang ditubuhkan di bawah Akta Perbadanan Harta Intelekt Malaysia 2002;’;

- (e) dengan memasukkan selepas takrif “petunjuk geografi” takrif yang berikut:

‘ “tarikh yang ditetapkan” mempunyai erti yang sama sebagaimana yang diberikan kepada ungkapan itu dalam Akta Perbadanan Harta Intelekt Malaysia 2002;’; dan

- (f) dengan memasukkan selepas takrif “tarikh yang ditetapkan” takrif yang berikut:

‘ “Timbalan Pendaftar” ertinya orang yang dilantik atau disifatkan telah dilantik untuk menjadi Timbalan Pendaftar di bawah subseksyen (2) atau (3) seksyen 4;’.

Pindaan seksyen 4

3. Akta ibu dipinda dengan menggantikan seksyen 4 dengan seksyen yang berikut:

“Pendaftar,
Timbalan
Pendaftar
dan
Penolong
Pendaftar.

4. (1) Ketua Pengarah Perbadanan hendaklah menjadi Pendaftar Cap Dagangan.

(2) Perbadanan boleh melantik, atas apa-apa terma dan syarat yang ditentukannya, daripada kalangan orang dalam penggajian Perbadanan, apa-apa bilangan Timbalan Pendaftar Cap Dagangan, Penolong Pendaftar Cap Dagangan dan pegawai lain yang perlu bagi pentadbiran yang sepatutnya Akta ini, dan boleh membatalkan pelantikan mana-mana orang yang dilantik sedemikian atau disifatkan telah dilantik sedemikian di bawah subseksyen (3).

(3) Orang yang memegang jawatan sebagai Timbalan Pendaftar, Penolong Pendaftar dan pegawai lain di bawah Akta ini sebelum tarikh yang ditetapkan yang telah diberi pilihan oleh Kerajaan Malaysia untuk berkhidmat sebagai pekerja Perbadanan dan telah memilih sedemikian hendaklah pada tarikh yang ditetapkan disifatkan telah dilantik sebagai Timbalan Pendaftar, Penolong Pendaftar dan pegawai lain sedemikian di bawah subseksyen (2).

(4) Tertakluk kepada arahan dan kawalan am Pendaftar dan kepada apa-apa syarat atau sekatan yang dikenakan oleh Pendaftar, seseorang Timbalan Pendaftar atau seseorang Penolong Pendaftar boleh menjalankan apa-apa fungsi Pendaftar di bawah Akta ini, dan apa-apa jua yang ditetapkan atau diberi kuasa atau dikehendaki oleh Akta ini supaya dilakukan atau ditandatangani oleh Pendaftar boleh dilakukan atau ditandatangani oleh mana Timbalan Pendaftar atau Penolong Pendaftar dan perbuatan atau tandatangan seseorang Timbalan Pendaftar atau seseorang Penolong Pendaftar hendaklah sama sah dan kuat kuasanya seolah-olah telah dilakukan atau ditandatangani oleh Pendaftar.

(5) Pendaftar hendaklah mempunyai meterai dengan reka bentuk yang diluluskan oleh Perbadanan dan teraan meterai itu hendaklah diberi pengiktirafan kehakiman dan diterima sebagai keterangan.”.

Pindaan seksyen 8

4. Subseksyen 8(1) Akta ibu dipinda dengan menggantikan perkataan “yang ditetapkan oleh Menteri dengan peraturan-peraturan” dengan perkataan “dan mengikut syarat yang ditetapkan”.

Pindaan seksyen 70c

5. Seksyen 70c Akta ibu dipinda dalam takrif “pegawai diberi kuasa”, dalam perenggan (b), dengan menggantikan perkataan “mana-mana pegawai” dengan perkataan “mana-mana pegawai awam atau mana-mana orang dalam penggajian Perbadanan”.

Pindaan seksyen 70E

6. Perenggan 70E(1)(a) Akta ibu dipinda dengan menggantikan perkataan “Kerajaan” dengan perkataan “Pendaftar”.

Pindaan seksyen 70I

7. Seksyen 70I Akta ibu dipinda—

(a) dalam subseksyen (1), dengan memotong perkataan “kepada Kerajaan”; dan

(b) dalam subseksyen (3), dengan memotong perkataan “kepada Kerajaan”.

Pindaan seksyen 70L

8. Seksyen 70L Akta ibu dipinda—

(a) dalam perenggan (1)(c), dengan memotong perkataan “kepada Kerajaan”; dan

(b) dalam subseksyen (3), dengan menggantikan perkataan “Kerajaan atau mana-mana pihak berkuasa berkanun” dengan perkataan “Pendaftar atau mana-mana pihak berkuasa”.

Pindaan seksyen 70M

9. Seksyen 70M Akta ibu dipinda dengan memotong perkataan “kepada Kerajaan”.

Pindaan seksyen 70N

10. Subseksyen 70N(1) Akta ibu dipinda dengan menggantikan perkataan “Kerajaan” dengan perkataan “Pendaftar”.

Peruntukan kecualian

11. (1) Pindaan kepada seksyen 4 dan 8 Akta ibu tidaklah menyentuh apa-apa permohonan bagi pendaftaran sesuatu cap dagangan atau bagi pendaftaran sebagai pengguna berdaftar atau pendaftaran cap dagangan atau pengguna berdaftar, mengikut mana-mana yang berkenaan, yang dibuat di bawah Akta ibu sebelum tarikh yang ditetapkan dan peruntukan yang dipinda itu hendaklah terpakai bagi permohonan atau pendaftaran itu, mengikut mana-mana yang berkenaan, seolah-olah peruntukan itu telah tidak dipinda.

(2) Seksyen 5, 6, 7, 8, 9 dan 10 Akta ini hendaklah terpakai hanya pada dan selepas tarikh yang ditetapkan.